

1855. I. 96.
31 55
QVÆSTIO
de
MERITO CHRISTI
DOMINI,

A

Rn. M. JOANNE LEOPOLITA,
S. Th. Sententiariorum & Professor ad S. Floriani Can.
Pr. Prossouien. XVII. Kal. Octobr. M. DC. XX.
publicè in Academia Crac. disputata.

Præfidente

ADMODVM REVERENDO D.

MARTINO CAMPIO VADOVIO

S. Th. Doctore & Professore, Ecclesiæ

Colleg. S. Floriani Præpos. Opa-
touicien. &c. Paræco.

CRACOVIAE

*In Officina Typographica Francisci Cesarij. Anno & die
quibus supra.*

Teol. pol. 8006. 6v

DEVS sic decreuit ex ordine suæ
sapientiæ & iustitiæ, vt homo ad
paradisum non posset nisi per
CHRISTVM redire; qui amplius
humiliatus est. passionem degu-
stādo, quam primus homo trans-
gressus fuit superbiendo.

D. Ambros.



Q V Æ S T I O

De merito Christi Domini.

V Christi Domini meritum, quo sibi
• plurima, nobis autem omnia dona,
• quæ lapsis omnibus conferuntur ad iu-
stificationem pernecessaria meruerit;
& inter illa ut quotiescunq; ex viribus
naturæ homo fecerit, quod in se est: te-
neatur Deus dare gratiam actualiter
mouentem infallibiliter, secundum le-
gem communem, necne?

C O N C L U S I O I.

Christum Dominum mereri potuisse, & de
facto meruisse, Catholicorum sententiâ
commodissimè asseritur.

C O R O L L A R I A.

1. *Omnes conditiones, quibus tota ratio meriti
apud Deum completur, fuerunt in Christo.*

2. Status comprehensoris ex parte Anime: nulla ratione ob stare potuit; quin Christus D. mereretur sibi id, quod nondum habebat.
3. Non potuit Christus D. mereri fruitiones; quæ Anima Christi DEO clarè viso fruebatur.
4. Licet non tribuimus meritum dilectioni Dei, quæ oritur ex clara visione: tribuimus tamen dilectioni, quæ sequitur scientiam infusam ipsius DEI.
5. Concordi omnium sententiâ tutò asserimus Christum D. post mortem suam, nihil nobis mereri potuisse.

C O N C L U S I O II.

Catholica Veritas est, Christum D. non tantum nobis: sed etiam sibi plurima dona meruisse.

C O R O L L A R I A.

1. Rectè fides Catholica contrà Caluinum docet, Christum D. meruisse eas; quæ pertinent ad gloriam corporis.

2. Chri-

2. Christus D. meruit passione suâ impassibilitatē
Animæ & corporis, resurrectionemq̃ sui corpo-
ris in gloriam, & sui nominis exaltationem.
3. Vera sentētia est, Christum D. non meruisse sibi
Animæ suæ beatitudinem.
4. Similiter & hæc vera, Christum D. dona super-
naturalia, quæ habuit in instanti conceptionis:
ut est gloria Animæ, scientia habitualis, cete-
raq̃ alia, mereri non potuisse.
5. Valor infinitus, actionū Christi D. utpotè propriæ
ex unione hypostatica cadere sub meritum non
potuit; quod similiter de gratia actuali, ad pri-
mum actum meritorium, libenter fatemur.

CONCLUSIO III.

Christi D. merita fuerunt caussa omnium do-
norum quæ dantur hominibus lapsis, ut
præparentur ad iustificationem.

COROLLARIA.

1. Christus D. meruit, quod actus DEI prædesti-
nantis, ad tales personas terminarentur.

2. *Christus D. dicitur Redemptor omnium, quantum ad sufficientiam; quantum ad efficaciam, aliquorum.*
3. *Licet Christus D. meruerit electionem comparatiuam formaliter sumptam: non tamen materialiter consideratam.*
4. *Designationē materialem eligendorū Christus D. reliquit Patri, ut predestinatio estimaretur donum Dei gratuitum.*
5. *Quantum ad absolutum, predestinatio sub nullo actum meritorium cadere potuit.*

C O N C L U S I O I V .

Facientibus totum quod in se est, ex sola facultate naturæ, non tenetur Deus dare gratiam.

C O R O L L A R I A .

1. *Stantibus duobus hominibus in equali causa, vnum DEVS illuminat, quia vult; licet maximus peccator sit: alium non illuminat, licet intendat bonis operibus, quia non sibi placet.*
2. *Faci-*

2. *Faciendi quod in se est, ex prima gratia præueniente, Deus non denegat ulteriorem gratiam.*
3. *Ideò datur gratia præueniens peccatoribus, ut illa excitati, corroborati, & adiuti, sensim ad maiora præparentur.*
4. *Negari debet communiter, propter opus bonū factum, viribus nature Deum dare gratiam præuenientem infallibiter.*
5. *Ex solis viribus nature, non posse hominem petere, vel desiderare, auxilium gratiæ.*

C O N C L U S I O. V.

Nulla lex à Deo statuta fuit, dandi auxilia præuenientis gratiæ, facientibus quod in se est.

C O R O L L A R I A.

1. *CHRISTVS D. non meruit, neq; mereri voluit, neq; de facto lex ulla est, dandi gratiæ, auxilia facientibus quod in se est.*
2. *Nulla modo videtur admitti posse, Deum certa lege statuisse, ex sola misericordia & liberalitate.*

tate conferre omnibus auxilia gratie sufficientia, si fecerint quod in se est.

3. Contrarium qui sentiunt DEum astrinxisse se-
ipsum suâ lege ad talia eo modo conferendi au-
xilia, implicant, & faciunt gratiam non gratiã.
4. Lex talis si esset, Christi DEI gratiam faceret
debitam, secundum legem debito legali.
5. Dicere, non propter nostra merita, sed propter
Christi D. dari ex lege talia auxilia, est non
commendare, sed obscurare Christi D. meri-
ta infinita.

Cum Licentia Admodum R. Patris.
& Magnifici D. M.

IACOBI TVROBOYSKI DE
Turoboyce, S. Theol. Licentiati, Eccle-
siarum Collegiatarum SS. Omnium
Præpositi & S. Floriani Decani,
Yniuersitatis Cracouiensis,
vigilantiss. RECTORIS.

